

Headline	TNB kuasa baharu arena hoki Malaysia		
MediaTitle	Kosmo	Language	Malay
Date	11 Mar 2024	Readership	467,988
Circulation	155,996	Page No	46
Section	Sukan	Journalist	AIZATIE NAJMIN
ArticleSize	369 cm ²		
PR Value	RM 28,839		



BARISAN pemain dan kejurulatihan TNB meraikan kejayaan menjuarai Piala TNB selepas menewaskan THT di final malam kelmarin. — FARIZ RUSADIO

TNB kuasa baharu arena hoki Malaysia

Oleh AIZATIE NAJMIN SULAIMAN

TENAGA Nasional Berhad (TNB) berjaya melakar sejarah merangkul kejuaraan trebel buat kali pertama dalam tempoh 21 tahun penyertaan saingan Liga Hoki Malaysia (MHL).

TNB melengkapkan misi itu apabila mencapai kejuaraan ketiga selepas berjaya menewaskan juara bertahan, Pasukan Hoki Terengganu (THT) 4-2 pada final Piala TNB di Stadium Hoki Nasional, Bukit Jalil, Kuala Lumpur malam kelmarin.

Kejayaan skuad kendalian Nor Saiful Zaini Nasiruddin itu merealisasikan sasaran TNB yang sebelum itu berjaya menjuarai Piala Sumbangsih dan



MHL musim ini.

"Ini merupakan perlawanan akhir yang baik kerana mereka memberikan saingan di separuh masa kedua dan mereka dapat uruskan tekanan dengan baik."

"Kita mengikuti struktur seperti yang dirancang. Dua kali ketinggalan itu biasa dalam perlawanan hoki, tetapi kita bangkit semula selepas memperbaiki kesalahan dan itu yang terbaik tentang pemain TNB."

"Kemenangan adalah yang

terbaik kerana ini merupakan trebel pertama buat TNB dan kami nantikan untuk menyediakan pasukan yang lebih baik tahun hadapan," katanya.

Dalam saingan itu, TNB yang ketinggalan dua kali dalam perlawanan itu, berjaya bangkit mengesahkan kemenangan 4-2 selepas Mughni Mohamad Kamal dan Muhammad Azrai Aizad Abu Kamal berjaya meledak dua gol terakhir pasukan pada minit ke-33 dan ke-36.

Secara keseluruhan, TNB berjaya meledak hampir 100 gol musim ini dengan Azrai terus mencipta sensasi apabila mengekalkan status sebagai penjaring terbanyak dengan 32 gol pada kempen MHL musim ini.